

docsj... 文川网
入驻商家... 电子书
在文川网搜索... 获取更多电子书

中國方志叢書·華北地方·第二二二號

據清·張元際纂修影印
清·光緒三十二年抄本

陝西 省

興平縣鄉土志

(全)



sk33/02

成文出版社有限公司印行

10098677

中華民國五十八年 月壹一版

興平縣鄉土志

全一冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

序

世之談輿地者動曰全球五大洲量亦遠矣世之論人物者動曰支那四萬萬志亦大矣至近而求之一鄉一邑之間有山川焉有道路焉多略而弗悉侈言五大洲胡為也本境古今之會有耆舊焉有戶口焉每茫而未知矜言四萬萬奚裨也萬里之程起於跬步百仞之台基於撮土蓋行遠自適登高自卑初等科學莫切於鄉土此時臣奏請諭旨報可府廳州縣所以令其各成為志也夫宏遠之謀本於識機務之應由於才而成才擴識則非學不可今因歐風美雨番番激刺朝野上下銳意興學而蒙學而小學而高學大學序無紊也蒙畢業而小學小畢業而中學中學畢業而高學大學功用缺也雖然非徒形式之謂是在真柏神果以真精神貫注其中學無論各門教無論何等授者以真精神開引受者以真精神學習邁征其日月

docsriver 文川网
入驻商家 古籍书城

在文川网搜索古籍书城 获取更多电子书

身三身... 卷一
淬屬其功修毋襲皮毛惟精液之是吸毋涉虛浮伊切實之是趨此
時蒙學即大學之梯階也今日修儒即立朝之基礎也是之謂真學
是之謂真才識蓋識生於才才成於學未有學不端其初步而能相
底於成也前後 邑侯王鍾兩公以鄉土志見囑乃為慎甄擇於舊
志劬採訪於新知事不敢泛恐涉濫也善不敢隱懼流刻也僭綴數
言醒事實也間有評論發中正也幾經兩載之日星愧乏三長之根
抵聊為小學之指引尚祈大雅之鈞裁丁未夏邑人曉山張元際序
於愛日堂後之百萬園

興平縣鄉土志卷一

歷史

建置沿革

今之興平唐至德二載所定名也（唐書地理志）唐虞夏商周屬雍州周曰犬邱懿王二年自鎬徙犬邱（帝王世紀）又曰槐里懿王十五年自宗周遷槐里（竹書紀年）春秋戰國屬秦秦非子居犬邱周孝王分土為附庸邑之（秦紀）秦曰廢邱（韋昭曰秦欲廢犬邱更名廢邱）漢初因之（史記漢元年羽立章邯為雍土都廢邱即此地也）皆未縣也高祖三年始置縣曰槐里武帝建元二年割置茂陵邑宣帝本始元年又置平陵侯（漢書）故兩漢有槐里茂陵平陵三名屬右扶風魏文帝改平陵曰始平（元和郡國志）晉置始平郡治槐里始平縣屬焉後魏仍為始平縣屬扶風郡隋

廢郡縣屬雍州唐天授二年改隸稷州大定初復隸雍州（方輿紀要）中宗景龍四年以所養雍王守禮女為金城公主因改始平為金城（舊唐書吐傳）至肅宗至德二載始改今名屬京兆郡歷五代宋金因之元明為奉元路洪武二年改屬西安府

國朝仍其舊實核之犬邱槐里廢邱茂陵皆今興平縣地非縣治也犬邱槐里廢邱今縣南十里之南佐村茂陵縣東北一十七里平陵三十五里（今隸咸陽）金城在縣西三十里之馬嵬惟始平故地為今縣治云

政蹟

興利

沈訥字訥菴明洪武三年令興平下車伊始見縣城久圯集紳耆義民籌貲築城浚壕不兩月而功竣城堞巍然凡官學之廢者興之官廨之頽者起之士民欣欣頌功德於不已焉

郭孔完字元成新鄉人父母歿廬墓六年在冢以孝聞明嘉靖十七年令興平清潔謹嚴興廢舉墜邑隍廟建自元至正二年成化十四年王令琮增廣之嘉靖初頽圯已甚王令王鉉役里甲用庫錢修補謗言紛起而止郭公之葺也素以仁政得民心乃用鄉耆率義民力不足者以贖金補工訖而人無不悅其愛民也以實心民皆感戴為立生祠以祀之

非必以修廟為功為其仁心仁政素能深得民心故即此一事

民之樂義赴功已與前令不同

章許字斗陽遂寧人明嘉靖四十三年為邑令生平敦崇禮教既蒞任純欲以禮化人念非躬自率行無以令人服從乃延士之素習於禮者為仲子延慶行冠禮又冠諸生李茂新等每月朔望集諸生講行鄉射禮凡弓矢布候旌麾鹿中（置矢者）二百餘器皆捐廉備治高陵呂涇野柎先生闕中大儒也地近邑境建祠於儒學南榜曰真儒堂以為多士觀法一時禮儀彬彬士民嘆為數百年未有之盛漢惠帝以高祖創定天下令郡國立廟又曾於邑西南三十里過渭因名其村曰龍過村村因立廟庚辰夏不雨公知帝素著靈驗乃衣冠詣廟率父老子弟虔心拜禱明日雨次日又雨五日雨足父老走縣謝公公曰予何力之有焉帝之靈也瀕渭良田多為冰沖廟左右居民無恙又以惠政所感謝公公曰帝之

佑也我胡能為公慨邑事多無典據乃稽冊檔訪紳耆創修縣志
興平之有縣志自公始也於是建置戶口人物田賦乃有所本民
為立祠頌德焉

子路問政子曰先之朱子云凡民之行以身先之先之者躬行
也為上者果能躬行則為政有本而人亦易從公欲以禮化人
先冠仲子先集諸生講行射禮此為士也至於為民則躬詣禱
雨毫不為功此所謂實心實政也民安得不立祠以祀哉

楊天際字冲元龍安人崇禎五年任時值明季盜賊蜂起流寇往來
如織公練兵勇治火械以為防守及城境戒嚴嘗夜宿城上與民
勇同力保障一方賴以得安

徐開熙字禾水嘉興人順治十四年任甫下車考風俗稽文物審民
情披閱舊志謂自明世宗章斗陽創修後百有餘年豈無忠孝節

身... 義之大典章人物之盛堪以法今而傳後哉乃為重修葺舊覈新
愈覺群備明年與典史洪廷獻開鑿永濟泉以灌田亦名徐洪泉
又為城內祿寧寺捐立義學

張宏圖江陵人康熙三十四年任謂治城為一邑之總樞士人肄業
之處渙散傾圮學胡能成乃於槐巷之南頭創建槐花書院延訂
名師一時生徒濟濟文教以興

田衷符建寧人康熙四十六年任值春祭見文廟祭器不備不潔謂
與祭諸紳曰孔子為儒者之大宗丁祭乃崇奉之大典缺略如期
有忝祀典乃倡治各器凡銅鐵俎豆祝敔琴瑟一切應具者一一
備治

張田二公善政甚多撮其要者一則書院一則文廟文廟為肇
學之基書院為為學之地是皆以學為急也學也者萬事萬物

之奉二公為政可謂得其奉矣

胡蛟齡字霖九涇縣人雍正四年任有才略六年重修文廟忠孝節義祠八年增修孤貧院定額四十八名境內義冢地凡五處店張鎮二畝奉地人捐城西門外地二畝二分知縣出公捐其東門外二畝西門外又二畝二分馬嵬鎮八畝皆公所增捐也縣治大門外東數十武鐘樓上祀文昌西數十武鼓樓上祀奎星與東城樓東關廟公皆為之倡捐修葺又恐古蹟事實久而就湮也乃纂修縣志俾文獻有徵

館垣不修道葺不可行昔之覘國者已譏其政治之不能自強今西人之譏我中國者大率類此夫治城者一邑之表也望其城池雉堞缺圯門樓頽壞入於城內衙署公廨之敝敗祠宇學校舍之污穢其不能強於政教已見一斑胡公一一整頓又以孤

貧院義冢地實求所以為民貧死者則精神之貫注可知也豈徒外觀之有耀哉

許維權海寧人乾隆十七年任時奉境楊雙山先生力行蠶桑逢人苦勸公知衣被之原實山於此乃即雙山之所為者在在勸諭一時養蠶抽絲之事風行遠邇

顧聲雷字震蒼乾隆四十年在明年歲旱禱雨於西門外大白廟甘露沛降遂立禱雨感應碑書院自張公創建規模尚隘公為增修大門講堂東西上房其址東西寬十六丈南北長二十丈又稟請以新媿難租增益膏火時畢秋帆沅撫陝札州縣考金石陵墓整修縣志公以名進士作宰有著述才即約同里張舍人塤廣詢精核算言紀事為卷二十五上呈中丞嘉其獨美備云

志者志也所以志當時之事以法今傳後也務為港博則失於

於繁力求簡古或失於略就吾陝而論韓之朝邑康之武功世稱名志而康尚五十餘葉韓僅三十葉事蹟不詳興廢人物只以一二語括之欲為法奚為法欲為傳奚為傳乎此洪穉存所為致譏與公志原原本本畢著於此再三繹之具見苦心特筆俛人垆字次郊望江人咸豐八年任自道光季年洪楊二逆造亂南省雖經曾胡官左諸名公戡靖餘孽未盡公知其必由南而北也乃預為謀築城浚池製抬槍鳥槍百餘枝大炮數十尊藥彈近萬斤無知者或多蜚語及同治元年回匪變作繼之髮苗藍二順突從南至邑城防守有資賴以不失乃其服公之謀慮為獨遠云

未雨綢繆經有明訓庸人無識反以為多事及至變生有備者無患無備者咨嗟嘆息悔已無及可勝慨哉

王權字心如甘肅伏羌人同治十三年任下車伊始先訪兵燹後之

身三身多二一
抗節殉難者稟請旌表建坊通衢手續邑志志自乾隆四十年
顧公修後百有餘年散佚頗多公以建置沿革田賦古蹟僅資掌
故而人物為風俗教化之所關乃分忠節孝義文學列女為四傳
題曰興平縣續士女志又為培植文風崇高文樓費皆己出色鮮
素封士子鄉會試輒苦乏資芥公概捐千金取子留母為經久計
今歸入學堂仍為士用光緒三年歲游飢公力請上台糶穀賑
救又捐廉為粥躬親散給民多賴以全活七年仍大歉公報禾收
分數如數上之當道意諱笑以其少也諭郡守致書令改冊公曰
以少報多欺天乎欺民乎孰不肯爾檄各屬續捐義穀公又據理
以爭略謂歉收之後民食時形不足尚有餘穀積倉手落落千餘
言情切詞直當道謂僚友曰強項哉王令興平如是他邑又當何
如遂撤任公怡然解任赴省當道知公在興素有政蹟復以溫言

詞相接又因去興之日士民赴省攀憲輿泣留者數百人未幾仍令回任

公體貌極癯而神氣清迥不凡少負才子之名不欲以才見劬志力學及宰吾邑教訓士子雖極淺近語亦含六籍深蘊娓娓率真如老學究然至事物之間義有所不可則屹然中立義有所當為則毅然措辦自來為宰不妄取錢者有之能慨捐千金者有幾不殘民者有之能嚴以懲惡者有幾不媚上者有之能據理以爭者有幾公皆準義而行無所顧忌非才而深於學者能之哉

一、學多二三

五十一

三

docsriver 文川网
入驻商家 古籍书城

在文川网搜索古籍书城 获取更多电子书

去害

朱雲字游魯人身長八尺餘容貌雄偉漢成帝時為槐里令時中書令石顯用事與五鹿充宗為黨百僚畏之惟御史中丞陳咸年幼抗節不附顯等而與雲相接雲數上書言丞相韋元成庸碌保位石顯為之左右並論安昌侯張禹之佞請劍以斷其頭（事詳所

輯國文

朱雲為令官甚微小乃得上書言事並言丞相中書之賢否固能直諫亦由漢之言路開也後世外官惟督撫將軍學憲得以專摺言事餘則惟請代奏言過甚者則不代也近以言路壅塞利弊不盡上聞乃有司道及紳民言事之議

王猛字景略北海劇人也苻堅將有大志聞猛名招之語及廢興大事異符同氣若元德之遇孔明也時始平豪右縱橫乃以猛為始

平令猛下車明法峻刑禁勒強豪鞭殺一吏聖鞠而問曰為政以德化為先莅任未幾即行殺戮何其酷也猛曰臣聞寧國以禮治亂邦以法陛下任臣以劇邑謹為明君剪除凶猾始殺一姦餘尚萬數若以臣不能肅清軌法者敢不甘心鼎鑊若謂臣為酷政臣未敢受聖謂羣臣曰王景略者夷吾子產之傳也於是重用

諸葛君有言治世以大德不以小惠所謂大德者施法行政胥準乎道非殘苛亦非噢咻也夫立法以嚴使人不敢犯則刑者少而不刑者必多立法以寬人多輕試則刑者多而不刑者必少此中得失不辨自明而世顧多昧焉者何也景略謂治寧國以禮治亂邦以法此諸葛治蜀之道也諸葛治蜀而蜀治景略治余而秦亦受治然則王武侯其諸葛武侯之亞而得治世之法歟豈僅能治始平一邑哉

龔衡齡字任臣福建人道光二十六年任次年大飢公以邑城傾圮
乃築城以工代賑窮民賴以全活者無數初軍流至縣輪派鄉間
分管鄉人晝支飲食夜防逃竄渠輩又恣肆索逼鄉民不勝其擾
然相沿已久惟有吞聲忍氣以從之公愛民如子於貧民尤甚知
其為苦難堪也乃於治城購置房基創立流民所歸衙役管束民
間乃無是累立石以頌其德焉

公宰邑七八年修試院興學校恤孤寡善政頗多至今耆老道
及猶曰龔爺則當年之浹洽益可知矣

王心如之再至興也洞却各種積弊力為剔除邑當衝途供億浩繁
嘗拉一馬心至擾及四鄉徒飽蠹胥之詐索而差仍多謬公樽節
浮費買馬五千匹併錢三十緡令附郭居民出保分領無差則畜
養自用自役則仍給草料之費以支官差於是下鄉拉馬之弊息

身...
里局供縣廚流差錢月恒一百七十緡驛馬每達退換規費百緡
催科總役每給一百二十緡與凡事之稍近誅求者公皆悉為罷
除不他恤也於是差徭歲省民錢三千餘緡

地丁徵收每兩至一六三公裁至一五三兩者一錢又革去火耗
口袋零收等費以整平五十兩納收兩省六七分兵書經收屯便
二米向一合為升公令合納合升納升併樹碑勒石永為禁絕均
自來蒞興者所未有也於是銀糧兩項歲省民錢五千緡有奇

邑南鄉濱渭居民良田為水冲崩無地有糧者愁苦萬狀公兩次
上稟請免空糧窮民謀食者往往家畜一驢運販麥穀而牙儉之
黠者按頭收錢百文謂之驢頭錢不勝爭擾公力禁之於是窮民
空浮剝索之弊息

官之仁於為民者興利除弊其大要也其實興除即利也然二

者相衡除弊更難於興利弊者多衆分利益相沿已久以為固然者也苟非知明而又有大力未易為功士人初入仕版嘗自矢曰吾決不妄取一錢守舊規而已其父兄戚友亦箴之曰但守舊規而已萬勿妄取一錢此其心何嘗不善其言何嘗不是然所謂舊規者即陋規也弊嘗居八九而可取者僅一二焉即如局供縣廚月一百七十緡地丁徵收兩多一錢驛馬退換規費百緡皆舊規也依前行之有何不可而公則深知其不可也毅然裁革不少瞻顧智也勇也而仁注乎其中矣

山
三
身
多
三
八

三
个
一



聽訟

魏相字弱翁定陶人也昭帝時舉賢良以對策高第為茂陵令御史大夫桑宏羊客詐稱為御史宿傳舍丞不以時謁客怒縛丞相疑其有姦收捕得實按治其罪論棄客於市由是豪強畏服茂陵大治

疑其有姦有定識也按治其罪有定力也本此識力直道宜其由州刺史為給事中以至為相上深重之

王尊字子貢涿郡高陽人也漢元帝初元中守槐里兼美陽令正月美陽女子告子不孝曰兒常以我為妻詬答我尊聞之遣吏收捕驗問得實尊曰律無妻母之法聖人所不忍書此經所謂造獄者於是出坐庭上取不孝子著於樹使騎吏五人張弓射殺之吏民大驚畏（後遷益州刺史行至却勒九折阪問吏曰此非王



陽所畏遠耶吏對曰是尊此其馭曰驅之王陽為孝子王尊為忠
臣先是王陽行至此歎曰奉先人遺體奈何數乘此險遂以病告
歸

以母為妻者役使如妻有不順意詬之笞之如妻也漢世法律
未密故少此條子貢以五弓矢射殺已極重矣然視今之後遲
處死尚輕世之寬於役妻而嚴於役母者可不畏哉

李嗣真字承胄趙州柏人唐高宗調靈中為始平令禮士愛民風化
大行時太子作寶慶曲以為歌舞嗣真謂人曰宮不召商君臣非
也角與徵戾父子疑也若國家無事太子應任其咎未幾太子果
廢嗣真擢太常丞以去

以角徵之不調便知有廢太子之事非審音知曲而察於其微
者不能也可知古人作樂以象功德誠非率爾詔畫善武未盡

善即其證也

侯鳴珂字韻軒長沙人同治十二年署邑事先是邑西鄉潘村有寡婦無子以姘子為嗣與其通姦及子大娶媳惡其非己乃與姦夫私謀以劍刃夜殺之姦夫抽身潛逃婦反大聲號曰子為媳殺鄰人紛至亦以為實姦夫佯為不知而至驚謂象人曰如此惡媳尚容於世遂縛之不容別曰父聞之急來視則曰汝女行此凶事尚欲面手亦縛之閉於古廟令自寫無事之紙媳父不能書適有老童代為誣謂女有姦謀不遂手刃夫次日遂埋其夫以此媳活殉之媳哭天哭地無有顧者姦夫令數人前挽後推強擁於穴土掀齊下媳竟死於窀穸之中其母家叔父夙知女非為姦害夫之人乃鳴於官門丁詢其人已埋事經處息怒焚喊狀當是時人心憤懣道路喧傳邑為東西通塗事聞大憲大憲知公攝蒲城時精

身三十一
明強幹傑委訪查公鄉冠野服單僕匹馬出省塗間命僕牽馬自
雜於路客中同坐敝車閒談此事車夫為述顛末及至邑令僕宿
於客店公乃以賣卜入其村且卜且訪其事得實即易服入署邑
宰見其委查也大驚署內外皆惶懼密饋三百金公拂袖曰侯某
豈為金而來耶留之飯不可返省以實稟大憲閱稟詞與耳聞者
符合隨委公署邑事辦此案總役某謂眾役曰此事斷不能已已
先兩日力捕犯拘繫矣及公接印一一按律治罪人心為之一慰
前令己自經代寫無事紙者亦不數月死矣公既平此案乃整頓
一切其大者新忠孝節義祠葺書院籌增膏火題額撰楹筆力挺
勁至今手澤猶宛然如昨也

天下之治亂雖在君相實肇端於州縣州縣得人則獄訟平而
不至因冤以生變政刑清而不至因竊以為盜變盜不作禍亂

奚生此案甫起人心囂然此案既明人心胥靖則知齊婦含冤三年不雨鄒衍卜獄六月飛霜與此媿活埋之日天色黃昏同為天地之所怒可知也設使侯公早來奚有此事設使侯公不來此事又胡能明人心又胡能安故曰州縣者斯民生死之命天下治亂禍福之原不可苟也

王心如性嚴直雅愛子產之為治理訟則剛明廉峻振情扼姦不為媿嬰噢咻之惠奇譎之跡竟有所不可達官要人莫能奪雖蹈危害弗憚往往以數言結案不費辭亦不株連訟庭因之少事駐藏大邑某卒於官靈輒過境索車馬愈恆公弗與護靈官親至署爭之謂武功已然蓋武功欲以多見好也公曰我照憑文支之其人恣意恫喝公怫然大怒曰死大邑之隨員且如此活大邑過境知縣就該死耶手拉其領足踢之連下三四次且曰我知公法不徇

私情耗民財以悅途人所不為也其人抱頭愧慙而去 川省武
公車北上報罷旋里與御者口角遂以刀斫之御者喊於公公詎
其曲在公車不肯服喝令掌責益不服公離坐執朴手自責之曰
落第武舉如許橫強升任將軍又當何如令兵房嚴拘俟御者傷
愈乃釋其不妄用民錢不畏強禦類如此十年之中三仕三已凡
邑中匪徒賭棍聞風即止嘗曰王爺至我輩即洗手矣然人畏其
嚴又未嘗不喜其惠政之實能及人也故當每次去來之時紳民
老幼以旗酒鑼鼓送迎者夾充大道公嘗步行數十里不能輟遂
感泣而樹碑建祠焉

三十一年六月公卒於家年八十四與人士聞之奠哭於祠去
年七月葬為製錦屏二十幅購儀五十金數人往送經紀喪事
月餘嗚呼公學問文章闕隴仰如山斗自足不朽而卒儒術為

docsriver 文川网
入驻商家 古籍书城

在文川网搜索古籍书城 获取更多电子书

治術實政在人又有古鄭子產之風焉子產治鄭以嚴而夫子則兩稱其惠蓋惟嚴以防民之欲制民以法而後不犯不忤民之默受其福者正自無窮也茲嚴也乃其所以為惠與

其三身多二八 身一

三